

Ubrzati proces izbora gradonačelnika Mostara



Visoki predstavnik i specijalni predstavnik EU Valentin Inzko posjetio je danas Mostar, te razgovarao sa čelnicima gradskih odbora HDZ BIH, SDA, SBIH, SDP, HDZ 1990, HSP BiH, NSRzB i nezavisnim kandidatom Zdravkom Rozićem kako bi u sklopu najnovijih zaključaka PIC-a direktno na terenu čuo mišljenja i stavove lokalnih stranačkih čelnika u Mostaru o tome šta se čini po pitanju imenovanja gradonačelnika Mostara.

Upravni odbor Vijeća za implementaciju mira smatra da je neprihvatljivo da Gradsko vijeće Mostara, osam mjeseci nakon izbora, još nije imenovalo gradonačelnika grada Mostara. Ono što je ključno i čega svi moraju biti svjesni jeste to da je politička volja stranaka neizostavan sastojak u rješavanju ovog pitanja. Primarni interes bi trebalo da budu građani Mostara, jer oni su ti koji najviše trpe zbog neefikasnosti procesa izbora gradonačelnika.